

進賢縣志卷之十五

人物志三

夏臣三

饒景暉字仲奎萬曆己丑進士初授工部都水主事  
場三大內諸璫歛手權武林端潔不苟獲漏稅者笑  
遣之由是商旅願出權額增三千金也知順慶爲治  
簡靜訟牘幾空勸農造士步禱祈年尋擢福建提學  
寬嚴有體衡鑒得人癸卯丙午連督國學真異數也  
歷叅知憲長右轄晉岡鄉剛馳久矣暉條行八事馬

進賢縣志

卷之十五

良臣

一

以有成乙卯神廟召對廷臣暉後至丰儀鵠立上屢  
目屬遂擢蜀撫會東餉初增徵調四出蜀又困採木  
暉疏蜀政十二要曲爲拊循清屯田荒蕪侵漁者數  
萬頃歲省折色二萬四千有奇爲川永利會城圯則  
捐貲修築歸然堅厚其後叛酋攻成都百日不下川  
人寔拜賜也方暉在事時蘭殊無叛意遼裨將欲自  
行郡邑徵兵暉止之亟檄所部集武健益調蘭酋兵  
二萬給行糧犒遣土漢兵皆懽躍赴遼秋毫莫犯論  
者曰海內調兵當以蜀爲法迨暉晉南右司馬去而

辛酉蘭翁之變成矣尋改北晉左協理戎政有阻者  
抗辨優旨命部甄序而暉一意東山伯仲觴咏優游  
數載卒奏卹贈兵部尚書賜祭葬晉階榮祿大夫著  
有撫蜀奏議若干卷行世

饒景暉字廷獻贈兵部右侍郎及泉公第四子生而  
孝友有器量尤沉毅寡言笑不以鋒穎示人人亦莫  
能窺其際族尊行負知人鑒獨竒之決其異日必爲  
棟梁具年十七補邑弟子員果聲稱燥遠近學使者  
姚江鄒公學柱試多士初首陳君良言繼得暉卷拔

進賢縣志

卷之十五

良臣

二

冠軍餽于學乙酉遂登賢書壬辰成進士歸里謁當  
事極言里役爲豪右蠹胥賦稅情法不平又言敲朴  
太重非蒲鞭示辱意自是侵漁者按如律追比刑凌  
寬里人有欲陰暴其兄短者懷百金爲壽峻卻且開  
諭之里人由之感悟相好如初其操行不苟風愛及  
人類如此筮仕授比部郎秉心平恕務求生路時  
神廟在御鑛使四出中外抗疏爭之諸璫忿甚動以  
違旨劾奏逮治者甚衆大臣論救莫能解以暉清貞  
有執皆以屬之按祖宗法無所枉撓一再駁輒持法

如故權奄至爲張語撼之因慨然曰先朝貂璫擅柄  
朝野冤痛至今今使無罪者更入死地豈不令張釋  
之笑人千載乎廷尉及大司寇聞而憐之爲覆奏神  
廟怒亦霽解網者數百人稱平允焉秩滿晉河南少  
叅丁外艱服闋補浙東台紹道會浙學憲遷去曜以  
文名重海內又居刑曹時有赫赫聲浙紳士爭欲得  
曜捺衡鑿兩臺又加敬慕立推舉得俞旨拜命旣指  
天日自盟以起衰得人爲已任莫不憚其嚴正無敢  
以私干者是時會稽霍陽錢公視學江右而曜督兩

進賢縣志

卷之十五

良臣

三

浙長子元琦與試錢不以同官子故錄科曜以錢公  
子文體恠僻置下等兩先生易地而官聲氣莫逆人  
咸服其古處云一時才雋畢收四十年間照耀仕籍  
浙中人士以爲雷古和先生後一人而已乙巳脩兵  
金衢設方畧勦鑛盜浙東以安尋丁內艱不欲仕然  
譽望日隆辛亥遂起補浙江按察使管理南直隸徽  
寧兵脩益秉正疾邪風裁視刑曹時加峻而靈城某  
公勢焰張甚九卿子弟爲所媒孽致大獄承問諸有  
司率顧望莫敢直曜厲聲曰吾輩官可操安可爲殺

人媚人之事卒辨其誣正告訐者罪死人感之稱其  
明斷似包龍畜不畏強禦類趙清獻不誣也陞四川  
右布政未任卒

饒景暉字叔淨乙未成進士授保定府推官申明五  
聽之義庭無冤獄其時獲响馬盜三人內一老一少  
詢知爲父子也經上臺發牒照例皆斬暉謂父子就  
戮太慘卽拘鄰里保其子教戒再三竟釋之上臺嘉  
譽巳亥丁外艱壬寅起補揚州府推官推舉銓部第  
一癸卯江南武闈以副留守坐次違制暉持舊劔抗

進賢縣志

卷之十五

良臣

四

忤直指拂衣歸事下吏部覆疏云某官清風亮節贊  
聲四起以禮議罰事屬苛求姑從平調以勵官箴又  
云調一推官而人知有法紀量調一推官而人知有  
官評乙巳起補永平府推官未任卽行取疏救先爲  
建論東宮下獄舊臺臣翟學程辭甚勁懇尋補祠部  
郎在客司議四方款貢儀曹議宗藩冒濫及開科正  
文體諸事戊午陞潁州兵備叅政陞廣東按察司使  
又三年陞廣東右布政使以左藩內轉署卽一月有  
自艚之變事由按臣陳某係閩人米商千百艘蜂集

海米價翔貴擁太守控按臺按臺祖聞商致百姓  
羣噪鼓亂辱及按臣曄時聞報自立署外止百姓之  
紛會按臣裸袒踰垣至遂身庇之百姓見曄處置得  
宜各散去乃按臣自慚反論曄坐視疏下銓部擬罰  
俸曄乃解綬竟歸識者服其進退之節云

僥位字廷立已卯領鄉荐第一庚辰成進士授內黃  
知縣節愛廉明撫摩備至以卓異奏最擢河南道御  
史先是張江陵執柄以不丁內艱朝臣論列悉廷杖  
落職諸賢久錮位獨昌言起廢縷縷數千言直聲大

進賢縣志

卷之十五

良臣

五

振丙戌巡按貴州養病未任己丑起補巡按廣西飭  
吏卹民服奸戢暴丰裁表著壬辰巡按廣東未任本  
年改南京督學御史拔識人才鼎甲公輔三吳四十  
年間爲世聞人公所拔爲多要路竿牘一切謝絕坐  
是忤時遂告致歸二十餘年迨光皇踐祚起陞尚寶  
司卿辛酉陞太僕少卿壬戌陞大理少卿陞光祿卿  
祭亥陞大理寺卿讞獄平恕屢雪幽寃甲子陞工部  
右侍郎時大工浩繁目擊時艱以百歲老母告歸侍  
養位通籍五十年居不增楮田無益訟識者無不服

其清執者

饒伸字廷抑十三遊膠序督學邵公見而奇之十八  
登賢書癸未成進士授刑部主事省斷清聽時掌提  
刑有豪僕游七相沿輕縱公重加懲創雖觸忌本堂  
弗顧也李給諫謂漢唐張徐當不是過伸頗狀浮沈  
宦局乞假歸里博綜往古不數年著學海數百卷今  
君道二百二十四卷刻行世已復補刑曹露章極言  
科場事忤上廷杖削籍家居五年薦剡特起南工曹  
卽應受關差俱謝不就調南吏部驗封司主事考績

進賢縣志

卷之十五

良臣

六

請告會恩詔起陞考功司郎中吏典班辦悉從寬免  
計貲不下數千南都仰其優卹丁外艱回籍續成學  
海君道大禮大祀征伐等部三百餘卷皆手自編摩  
寒暑不輟光皇踐祚賜環陞光祿少卿尋遷大理右  
丞轉北大理左丞太常少卿爰書祀典皆自裁決執  
事有恪陞太僕寺少卿管東路少卿事親歷牧圉洞  
悉情弊罔政一清疏陳聖學理財用人曲盡忠懇甲  
子陞少司寇署部事五年璫焰初熾大獄頻興爭事  
羅織爲媚公一遵平恕朝審熱審轉死爲生者居多

其李國戚一案璫勒以不赦處之伸確主八議之恤殊忤璫怒時仲壽母百齡抗疏六上乃予待養備奉家無長物學有本源尤精易理撰會解實補程朱所未逮也

饒景陽字廷升中萬曆戊子科鄉試戊戌中會副比年授澧州知州問民疾苦與以安全防吏奸置嚴爲振刷丁內艱服滿補任薊州一年因修城堡有功陞刑部郎中奉差恤刑貴州全活疑獄死命者三百有奇陞福建汀州府知府以鋤強扶弱懲貪摘奸爲本進賢縣志

卷之十五

良臣

七

在任蠲資賑饑建塔造橋地方永利鐵耳冰心之謠閩地爭傳不朽特建生祠二所置祠田數十畝香火至今奉祀歷任六載以清廉陞廣西提刑按察司副使分守倉梧道未及任而卒

陳應元字孕初少試邑郡輒最爲諸生不羈所得館餼俾厥弟仲觀經紀供賓客四十三始舉于鄉明年庚戌成進士意氣如諸生時待貧士無異貴者卽所仇怨亦無異所厚者起家比部郎有方士孫全挾房中術長安貴人多與之遊每購人子女年十三四膚

其克悅者嚼以脂腴久之以合藥物取重貨事覺諸  
貴爲請者書盈案元斥不視自主者立令伏法不少  
貸平反粵獄所活以二百計時兩粵開府周公嘉謨  
清嚴不妄交與每聞元謝絕州縣餽嘆曰公何以治  
裘歸耶月爲三四置酒必極驩承筐是將嘗從容曰  
吾故爲令有在囚欲爲脫未果迄三十年其人稿項  
垂盡矣向讀其爰書愴然悲之吾幸不死復及見公  
之活此人也感慨稱嘆者久之粵人戶戶祝有生祠  
守延平下車詢民所苦益厲清操庭不設大杖視事

進賢縣志

卷之十五

良臣

八

五年不一入人贓罪郡豪張監與賈人吳爭治利監  
迎泉州貴公子翼之元訊于城隍祠中竟以治歸吳  
城外水漂民居不及履而往援之比閭失火悉捐奉  
錢賑之鄭直指宗周清流士也察治行以元爲第一  
尋遷憲河南蒞事睢陳甫旬日永城山賊亂卽星馳  
扼賊穴賊散走火其寨俘逆首數十人而還士民安  
堵未再旬以泉州貴人啣之去久之竟挂戊辰計籍  
諸所厚強公出就刺泰安捐資完繕一方晏然四方  
禮岱宗者冬春常數十萬人每日肝諸店戶籍所至



入數納州衙明且鈐以印還之例一人輸香稅銀八  
分于官以七分佐國用以一分公費無何有增至一  
錢二分者元至經稅外盡削之所除歲二萬以上頃  
之轉比部以不樂簿書請急歸居家二十餘年與人  
言論無所隱諱人或譎之終不之疑其無城府如此  
癸酉冬以舊任逋賦復有泰安之行其至也父老迎  
勞百餘里城中燃香以導如初蒞者咸泣下曰仁乎  
我君今胡爲乎來哉事白咸戀戀不忍去友于之往  
晚而益篤日召諸父昆弟具醇酒達夕陶然言不及  
進賢縣志

卷之十五

良臣

九

家事享年七十有五祀鄉賢子時懋字百揆今舉明  
經

陳良言字勉績萬曆乙未會試副榜任新安知縣舉  
卓異調繁合浦有廉能聲四登荐剡陞獨山知州會  
勦安會以監紀軍功陞紹興府同知清介勤慎合浦  
紹興並尸祝焉調揚州江防同知繕城池建江樓修  
二閘濬屯塢革稅司侵漁揮掣塩陋規甲戌乙亥間  
流寇孔亟耽視淮揚斥俸積穀募兵製砲寇不入境  
在任六年歷薦二十有九以引年告致歸里內行修

飭是跡不入公門掄貲助修縣城又歲歉大出金粟賑饑家雖屢空不闕也學憲侯公崙會祀之鄉賢稱其緩黔字粵佐浙防江各著清操並有成績既以篤行爲式于鄉復能賑施佐官之急益寔錄云男圖典字五行循謹靜默居然長者孫啓晨有文行耻浮薄不以智巧自多

陳良訓字式甫癸卯鄉試第三人癸丑進士甲寅授大行壬戌考選戶科給事中時逆璫魏忠賢始竊柄勢傾中外訓入垣五日卽具國運方升多難未息之

進賢縣志

卷之十五

良臣

十

疏剴切千言略無避忌璫銜之未幾總憲楊公漣數璫二十四大罪璫肆辨匿漣奏先下其章廷臣愕視莫敢發訓獨奮言權璫辨疏不宜先下璫益恚甚矯旨鐫級回籍戊辰烈廟登極以兵右召無何晉吏部訓志在振垣規清吏弊而冢臣王永光者固基訓訓又言會推弗協臣職司封駁寧忤冢臣不敢負任使永光滋不便乃左遷訓台緹兵備叅政上爲持疏示閣臣閣臣咸言吏掌科外轉非例請召部臣問故上躊躇久之訓頌具疏乞恩放行乃允至官緹繆海陽

倭不爲患辛未陞本省按察使壬申陞陝西右布政  
浙大藩塵案山積訓遇事立斷人稱神明秦寇首難  
理錢法飭軍儲日隨征討在事五年殫盡心力關中  
人至今祠焉甲戌舉廉卓第一連推三鎮巡撫皆爲  
柄臣所沮丙子始有撫郎之命郎介秦蜀楚豫之衝  
賊衆盤踞訓以丁丑三月單騎受事昕夕坐城上矢  
石交加激厲戰士意氣如平時遂殲劇寇郭三海重  
馬二坪上龕五虎等賊衆由是奪氣旋隔有麟幣之  
錫明年正月復爲蜚語所中上方追錄其功謀再擢  
進賢縣志

卷之十五

良臣

十一

用而訓已拂衣歸矣所著有入垣奏革賜環奏草浙  
存秦存秦藩議勦疏撫郎疏諸種卒年七十有三孫  
昌勲舉壬子孝廉

朱身修字安百萬曆丙午舉人丁未進士授溧水令  
清廉屢第上考徵拜南銓特立不倚黨援循資得叅  
副閩省藩臬及長憲以至大方伯先後覃惠政于八  
閩者凡二十餘載迄今榕城多脩其棠也常視海道  
篆海寇獫時撫擁兵不前泉城幾陷脩激紳衿將士  
禦之城賴以全里居息影丘園朝論欲大用會病不

起

樊尚燦字囑卿萬曆癸卯舉人丙辰進士授應城知縣丁巳調繁江夏惠政宜民己未考授御史能執法癸亥奉差視兩淮漕燦清慎諸商絕不敢干以私時增解課百萬燦復羨銀七萬悉封佐邊儲代燦者某崔魏親也丁卯丁內艱有劾燦者燦縗經到揚會查清楚猶恐不測忽璫敗特詔燦復職巡視京營值都城震驚燦晝夜察防庚午陞太僕少卿以城守勞加三品服俸辛未會推河南南巡撫壬申流寇猖獗渡河

建賢縣志

卷之十五

良臣

十二

燦勤之賊奔境外癸酉正月丁外艱其夏歸家讀禮南道疏叅燦避賊至磁州遂革職崇禎乙亥公論明吏部題請復職未幾燦遂病至丙子夏命錄口占有生平正直心自盟一味清真天可表之何益實錄也金廷璧字德潤萬曆癸巳補諸生家故貧而力學不倦舌耕供滌灑益發篋讀古文時黃貞父宰邑深器之癸卯舉于鄉癸丑成進士令江陰巖邑也紳士多遙操朝論悃愾吏固非所宜改授武學稍遷學正辛酉轉南刑部郎不擊斷而曹事治乙丑陞邵武知府

旋下內艱歸佐陳壺雲修邑乘崇禎戊辰起知湖州  
府湖土紳尤多壁惆悵不改其素故小民宜之而終  
以物情不調左移知南樵然德清清賦執法浙中至  
今言之其爲湖州加子衿額則儒生尤口碑焉壁在  
南樵直崗寇熾壁敗之于魚臺己申臺使疏請以橋  
稅之美三千高郡城突西陞荆西道副使防寇甚有  
備寇從間道陷當陽壁兼顧郡邑出私財饗士士奮  
擊寇寇屢北方錄壁調度功而竟以他疏論免矣壁  
里居故咫尺棲賢山文酒自怡如昔時然壁自少營  
進賢縣志

卷之十五

良臣

十三

精經義及爲詩古文則于明興諸大家名家一無依  
彷彿故莽莽自遂亦多惆悵之意云

熊震字長男萬曆癸卯舉人家貧力學久困公車癸  
丑試禮部大爲張侗初所賞欲以冠南宮而首座未  
之可竟不得第凡一爲學諭再爲縣尹清苦廉介愛  
民好士及歸田日家無十金之產先世敝屋數椽不  
蔽風雨澹然自適閉門讀書而已男耳字小李邑廩  
生有文名丁酉副榜爲人亮直不苟

余敬中號海鷗壬子舉人筮蕭山令方正廉靜至今

民狃稱之歷刑部郎瓊州守不改其操時有劇盜久未威獄按臺批送審決盜以數千金求生中却之竟伏法

章文標字憲卿萬曆戊子舉于鄉授龍泉知縣惠政宜民上臺稱其年清貌偉才器可觀陞晉寧知州卽乞休歸田三十餘年鄉飲大典四推主席耿介自守于勢利泊如也

劉洪謨字惟後南昌之梓溪人以進賢縣籍補邑諸生萬曆二十三年第進士授建德知縣調仁和皆有進賢縣志

卷之十五

良臣

十四

惠政三十年陞南工部主事蕪湖抽分處脂不濡有中貴齊佛像者驛騷謨嚴治其黨復有遺購御膳者謨以非簿正格之三十二年陞南禮部郎中三十五年陞承天知府抗陵監不肯下是年調真定其廉惠如初三十八年題陞易州兵脩賑饑飭關有聲四十二年舉卓異陞漳南叅政四十三年閩稅監高宗等撫院也告休卽行議以擅離貶等四十六年補貴州都清道副使疏捕叛苗最天啓元年陞廣西桂平道叅政最陸光祿少卿疏荐漳州處士丁懋已乞徵人

進講三年陞太僕少卿撰蔡翰六篇奏之旨嘉其忠  
已因魏瑄焰灼遂三疏告休時不謀而同解組者出  
陰劉公宗周也謨荐庶吉士王啓元進講併及懋已  
得旨歸家講學隨時荅問多所啓發年七十七撰大  
學緒行義十八卷于崇禎二年奏之謨恬澹簡重與  
願文憲趙高邑談學而不立幟其族少宰文簡中丞  
石閏元輔文端皆與公同志同仕而公雅不引重趨  
進吾邑志戊辰之修謨爲之序

傅冠字元父本名元範丙午後鄉舉改今名切資穎  
進賢縣志

卷之十五

良臣

十五

天授年二十五卽舉于鄉第二人天啓壬戌榜眼及  
第進賢自舒公芬及第狀元陳公棟及第探花至冠  
而興甲脩矣初授編修會乙丑丙寅間瑄燄方熾超  
然自遠不隻字通權貴崇禎戊辰陞侍讀學士分較  
禮闈閱書經得士皆名宿時典誥勅洊歷左春坊左  
中允直平臺記注經筵日講輪講通鑑九黎亂德一  
段中堂講之復改擬以進冠日聖主遜志學古恭稽  
治忽可諱哉仍進講本章上霽容嘉諭日講不避諱  
直也陞左諭德册封周藩已休沐里申值撫建流寇

之亂倡議新邑之城矣西陞春坊庶子與文震孟同纂修憲廟實錄甲戌又以少詹事領房禮閣闕詩經得人如前陞北雍祭酒卽請弘選舉修大學漢冗肩俱徼俞旨詳著飭雍紀畧中教習館員以經濟相勗代言文猶爾雅陞禮部右侍郎隨疏乞歸奉有鄉學行素優詞臣正賴表率不必引請之旨丁丑充廷試讀卷官得一甲第一名劉同升又爲實錄副總裁上御經筵以至誠盡性章進講天顏有喜卽拜麻時館中名流標榜多引朋類冠獨澹然不立黨故枚卜僅進賢縣志

卷之十五

良臣

十六





府推官取方主事至副使生平持節義慷慨自矢能不負其所學丙戌之交被執不屈遂以身殉焉

吳士元字來復仲第三子也早孤勵修乙卯鄉舉母胡安人病臥公躬侍藥餌不欲行胡安人曰苟出而大而門予願也會陳公蓋源入京命後車載之公行至海陽固謝陳公歸匝月胡安人謝世公傷父志未竟毋未迨養己未壬正始上春官廷對賜進士館選辛酉授簡討已命注起居講經筵撰制誥修國史乙丑分較丙寅封晉藩公雖外和光而廉隅內立頗不

進賢縣志

卷之十五

良臣

十八

爲時所容因便道歸里告病繳節庚午陞公贊善辛未轉諭德管司業事項之以原官掌南翰林院頌之召陞祭酒時有旨修刻十三經公拜受命竣事疏報附獻規頌有旨嘉厥蓋泐復有旨修二十一史事竣有旨嘉厥勤恪又廣上意捐俸鑄小學頌行郡國甲戌陞詹事掌翰林院事在掌院凡明經廷試及孝廉乞恩第其高下故事明經髡髦者輒遙授四人元謂縻以空名實錮之也政府以違例爲言元力持竟減于往額者二其隨職盡規愛惜人才多此類也丁丑

公以掌詹禮部右侍郎兼侍讀學士召皇太子加冠講賜金帛有差大典畢連疏乞歸得遂初服經年足不窺會城惟利弊有關民生者極口披陳元性簡重不輕言笑處鄉井無競伯叔昆弟間肫肫友愛癸未考終年七十三公子翔柱陳請乃得部覆擬贈禮部尚書優給祭葬翔亦擬廕

樊良樞字尚默萬曆丁酉科鄉舉甲辰會魁初授浙江麗水縣知縣調繁仁和在任飲冰茹蘗修文廟及通濟堰葺講堂置學田以給士之貧者西湖上至今進賢縣志

卷之十五

良臣

十九

祠之陞北刑部出司淮安漕運理刑攝權關篆惠商恤民己未會試充經房考官所拔皆海內名士陞雲南學副丁外艱服闋起補浙江時魏瑞燭焰所在立祠浙祠成屬學使撰文遂拂衣歸里時論譴之再起楚藩分守辰常觀察粵西刑獄多所平反陞陝西右轄遂告致樞具文武才然未竟其用少精制舉義工辭賦晚更究心理學撰述甚富所著有四書五經夢言寤言危言約語易壘讀易日錄二山三山岳遊任山社詩集輯八代金石古文等書並藏于家子重鵬

字仲搏朴淡有守不交華競居官一如居身云  
熊夢登字子先博學雄才同輩無不歛手屈服顏竣  
朱徒俱及門與徒同中辛酉科舉人復姓張名登任  
陞梧州府推官蘇州府同知俱有政聲引年歸里爲  
人方正簡靜待人以誠推獎士類瞻恤親黨務歸于  
厚至今人稱述之

萬谷春字汝水三十七都籍己酉舉人己未進士初  
任蘇州府吳縣知縣下車清慎自矢吳中賦重奸詭  
百出春覈良頑峻期限始終不藉他手課不負而民

進賢縣志

卷之十五

良臣

二十

安之又萬曆末年加派孔棘春悉搜括義租幣餘諸  
項無礙拒解不擾于民歲省民間編銀乙千八百餘  
兩又革典櫃舖役諸弊嚴治窩訪打行積蠹具勒士  
民德政碑中陞兵部職方司轉金衢道尋調西川道  
又陞關西轄鳳平二府勤勞有功孫制院薦疏有復  
五城於殘破易風鶴爲澤雁等語皆道其實云末年  
以老友有學行薦之朝廷試不中程遂爲所累罷歸  
生平靜重有威喜怒不形于色論事言約理辨教人  
井井有法真先正典型也

饒元琪字仲燦布政景曜子癸酉登第庚辰特用授工部主事欽賜國學題名禮遇與進士等時烈宗求才若涓琪廷對稱旨得蒙茲擢誠異數也性本剛方尤薦孝友早孤事繼母如孺子慕合內外無間言王營繕監修大饗殿恭恪襄事靡敢懈又督葺營房躬親勞瘁時城守戒嚴會烈宗微行閱視嗟嘆久之行將不需次大任也已分司臨清厥毫不借脂膏自潤革陋規裕國課工商稱便焉闖寇犯闕蒲腔孤憤琴號無從每嘆世受國恩聞關罔效計唯決志西山以進賢縣志

卷之十五

良臣

三十一

薇蕨終其身戊子臨難視斧鑕如飴蓋其素性堅定云所著有經書實義性理傳新錄

熊明遇字良孺辛丑第進士授長興知縣長興最苦民解遇建兌倉其法民輸之倉而官兌之漕艘總漕及巡撫下其法于吳浙咸稱便焉太湖劇盜橫行遇計擒之因出他邑盆獄若干人又置雜役田以免頭會建松水居與諸士課文講道去日民卽以生祠之行取擬授兵科是時神宗靜揖朝士部分南北遇獨中立無所倚乙卯特授掌兵科卽脩陳疆事大約以

核市賞斥債帥重堵截抑搗巢實武脩爲首務及軍  
政拾遺疏劾掌府成國西司錦衣不任且比于峴也  
內察修隙者竟左遷遇福寧僉臬至則正已飭下修  
城練兵清海盜臺省交薦內擢尚寶太僕兩少卿是  
時葉公向高爲首輔鄒公元標趙公南星等爲九卿  
皆資公清議遂移南僉院督操江增練前兵舉南察  
公正平恕指授標將擒叛宗南都寧謐會瑞燄昌熾  
楊公璉以特疏得嚴旨遇又偕叅贊陳公力揀璫矯  
旨罷職又復坐以誣遂戍楚衛之平溪戊辰烈皇登

進賢縣志

卷之十五

良臣

二十三

極起兵部侍郎先後所推轂如李守鏞吳襄等皆不  
通賂遺旋移南刑部侍郎辛未上遣使召入對平臺  
卽日拜兵部尚書所持大計在罷凌河之築酌島兵  
之縻練銳師慎開釁且日封貢款市成祖以來安邦  
訄謨也其于撫慰遼人尤繕繕嘗中夜叩闥面對保  
九城數百萬生靈壬申解組里居十年壬午上思公  
清執勅起叅贊留務遇素得南中心一見咸喜然性  
介執中蜚語有指遇髦者議改南工部尚書上召問  
誠意伯因浩嘆曰明遇清執但物情不調且令解任

行召用之耳。歸恒哽咽曰：門戶爭官不休，腐儒讀史無識，必誤乃公事。已而聞闖寇渡河流涕曰：大策誤矣。忍言哉！顛跋數年，寢疾卒。生平與清流善而不立黨，辭受取予不苟，雅不以廉自矜，深于性命之學而不欲標講學名。所著有綠雪、青玉、華日、揖華、延喜、英石、中樞、南樞八集行世。而五經約則筆格致草尤，毘功于理學焉。

朱健字子強，兄弟俱以象勺。英年高才，獲雋而臨川名宿章大力又同出青陽羅公孝可之門，一時得人

進賢縣志

卷之十五

良臣

二十三

彌絕盛云：先是爲文，搜抉幽恠，洮汰庸音，每一蔬出，湍奔矢往。海內人士冠帶衣履焉。而乙丑戊辰之交，浙元翁君輩以步武弋高第者，至不可指數。已一歲，文體輒一變，或博大湛深，或驚絕帖遶，芒寒色正，非復一流所緯。偕計所至，名士問業者，不啻華陰之市，然健方下帷肆力，研味經史，流畧方技，稗雜靡不銓貫，尤究極典故，期於適用手，疏口哦一藁，十芴牙籤，緗帙舟轂，始不能勝。所傳治平畧、蒼崖子、諸書、吉光片羽而已。公車困躓，不下二十年，始就邵陽司李，縮

已得刑仁聲先路親舊投謁握手驩然去無不人人  
意滿者久之風鶴虛弦罪察齟齬竟爲所害詩云鸞  
翻有時鍛龍性誰能馴至今人追痛之徒天性和厚  
內行淳篤初與人交若沉沉者而風義所歸肝胆翕  
翕緩急引援鮮不訖情盡意當於古人中求其曹偶  
耳

李曰池字浴咸崇禎癸酉鄉薦丁丑成進士授鎮江  
司李公平廉恕稱明允之職署篆金壇葺火耗清溢  
額之賦至二千五百餘金給還民間不旬月而積逋

進賢縣志

卷之十五

良臣

二十四

以完壬午南闈分考得士九人皆一時之傑行取擬  
台席時柄相欲招致門下池抗節不赴遂改授禮部  
主政請告歸里里中時值滄桑土寇充斥池慷慨言  
于當事殲厥渠魁保障之力鄉多賴之處家素孝友  
生平中懷坦白與人和易雖處貧約而風致浩落未  
嘗稍損焉

熊人霖字伯其官保大司馬明遇之子聰敏絕異九  
歲能解唐詩大意十一卽尋究性理皇極經世諸書  
十五童子試爲文宗黃公汝亨所首拔自是輒冠軍



已巳官保任南司寇病甚代爲請告章疏暨閣部省  
寺諸奏記未幾良已見其草大驚曰而年少能如吾  
意所欲若此耶癸酉舉于鄉越丁丑成進士就選義  
烏知縣平生留心吏治戎政古今沿革典制尤兢兢  
官保手訓揭諸堂柱出入顧之始爲烏傷初建城堞  
復表章駱臨海宗忠簡王忠文諸集立祠祀焉葺學  
課士日爲講說經義已卯登賢書者二人咸以作人  
稱之他如平糶賑粥代完丁糧免派燈夫善政甚具  
兩臺高其能屬視浦江篆浦故多逋開誠勸諭士民

進賢縣志

卷之十五

良臣

三五

鼓舞五日輸其半旬月足額當時比之兒寬中貴人  
以督造抵抗獨與抗禮投一空刺奄黨亦爲心折云  
烈皇帝嘗著令以修練儲脩四事課長吏霖治行第  
一擢水部會菁賊鴟張溫處間江閩震動撫按奉三  
省會勦之旨師旣集而慮統紀不一以越人服霖威  
信遂特疏題留以部司監軍調度軍事因誓師于遂  
昌多設間購開示生路賊皇怖乞降一時諭遣功成  
甫四十日題准考選部覆擬銓而忌者中以計典後  
復補銓部歷任大常少卿已丑戊戌丁內外艱哀毀

過禮撫軍夏公蔡公重其行誼咸式廬致敬焉每爲  
商畫利弊條議精當而郡糧浮額流害尤烈首以爲  
請適奉

新詔求言計臣疏上竟得

俞旨未果行丙午感疾卒霖天資醇厚賓禮賢士汲  
引殷殷博學深思造次紙筆不去手詩文溫厚爾雅  
一本宮保家法所著四書繹詩約箋各臣錄繹相臣  
繹忠孝經繹地緯南榮熊山尋雲諸集行世別修邑  
乘藏于家

進賢縣志

卷之十五

良臣

三十六

江秋時字念元號明陽恭恪理川孫性坦芴胸無城  
府一片天機渾若赤子與人言皆由本衷無纖芥詐  
飾亦不知世人之有奸欺者篤學能文萬曆乙酉鄉  
試幾得解而失之抑置乙榜後以蔭補官爲留都摠  
臺照磨操院丁公特重其爲人常招之入衙談笑終  
日以子課菘求其郢削陞福建邵武別駕至誠御物  
士民咸以古人目之郡將魯公史雅敬之未嘗以僚  
友相視罷歸執手書禮問數年不缺夫亦深信其爲  
君子人也

江城號藩所七都人生而靜默寡嗜欲閉戶終日不  
輕言笑動如節度無躁妄之行平生與人未嘗失色  
不知天地間何人可驕何人可譖喜讀書不關世事  
豫章張公魯叟聞其賢以西席禮之族中無尊卑師  
事之者數十人終身不敢怠忽其訓銘山日與諸生  
靜對忘言使人意消不沾時名不求苟得澹然自適  
鎮浮去誇意古君子其人歟

余昌祚字叔正東隅人性正直動以禮義自居耻與  
時流伍寡交游似乎落落難合然遇端人正士則禮  
進賢縣志

卷之十五

良臣

二十七

事恐後焉少宗伯吳公長吉獨與之莫逆邑尹錢公  
元冲拔冠季試尤重其爲人少宗伯李公愧庵則延  
之訓子每講釋經義必以聖賢之理三命不崇于富  
貴功名是務也訓萬載諸生中可其思者尤寡品行  
斯人每在規矩之外亦世風使然也著有正心論以  
警儆輩邑人爭傳誦之

陳維謙字仲容少以才行見知于臨川湯海若先生  
自是聲稱籍甚好奇賞異落落自喜有日岫海門諸  
選行于世任刑部主政以議鄭鄭獄不肯予重比忤

烏程謫南陵司理又請罷巡方各縣漿洗例銀忤直  
指遂去官歸丙戌丁亥歲大饑朝夕不給求食于諸  
兄弟日具粥二碗卒之日無以殮聞者傷之

陳維恭字仲來與李仲章同榜齊名時有二仲之目  
博聞強記下筆雋永最奇晉人風致性澹潔有氣節  
未嘗屑意城市久困公車作天閭及書壽賦又著亦  
堂詩文諸集甚富初任海州減弁浮賦修築堤壩一  
方賴之旋以兵興皖撫鄭二陽題監其軍調度悉中  
機宜改陝西屯田同知不就謙胞兄維中字伯常恭  
進賢縣志

卷之十五

良臣

二十六

胞兄維泰字孟來俱知名

李光倬字仲章少年才名動海宇與從兄太史麟勅  
師友唱和有采菱前後集又有交仞等集歷官工部  
主政進郊祀耕祀耕籍賦烈廟甚嘉納之

江泰字大來丁卯舉人礪山令崇禎之季境內諸盜  
充斥民不聊生漕糧無從措納縣令俱以逋漕得罪  
泰獨將安東田產及屋賣價代民贖完因得免罪士  
民德之尋卒于官史撫臺憫其有功地方特爲措費  
護其喪以歸

陶文疇字中衍晚號蠡庵以明經任尤溪縣知縣歷  
工兵二部主事在尤以實心行實政殲三眼劇盜民  
賴以安邑俎豆之南昌黎博庵贊有行文遠緼義全  
莫大綱常屬荷肩豐功著顯擢懸尚復行賢不自賢  
輕廬仕重蕪田此家歸去有詞傳等語人以爲實錄  
云

朱世平字可均以明經任廣東廣寧知縣閩廣壤接  
海寇劉香老之亂辦賊措餉不遺餘力能總制噐其  
能考績陞霑益州知州州賦十九出土司管徵逋則

進賢縣志

卷之十五

良臣

二十九

官受其誦世平示以威信始帖然知奉法後以繼立  
起篡弒之獄凶逆持巨賄亂曲直承問大吏多惑之  
世平力持不可竟以是左遷壬午補黟縣知縣釐革  
振刷弊絕蠹清有黔兵假道于徽所在荼毒不可言  
全郡阻截兵民互有殺傷觸柄相怒卽拂袖里歸晚  
年布衣蔬食與二三老友怡情丘園非公事不一謁  
宰官邑宰王公斗樞七年鍾陵臨別嘆曰前輩如朱  
可均直古人所稱不可得而親踈者歟  
傳應期字兆合戊午舉于鄉庚辰會闈擬元不得竟

平第久聞公車授順昌縣知縣寓撫字十催科凡訟者勸其息爭隨以理直之務使平情而已涖任一載盜散民安臺司交登荐剡偶楚藩奉旨造錢通行閩省商賈苦之期具啓王差借名鼓鑄爲害地方王以撫按無言縣令曉曉爲怪期遂掛冠歸隨奉昌原官起用補廣西宣化縣知縣歷陞太僕寺卿未竟厥施贊志以歿嘗自言曰敦五倫乃爲實學舍一貫皆是異端又曰養德量以克福量存仁心以格天心皆名言也祀鄉賢

進賢縣志

卷之十五

良臣

三十

國朝

朱微字子美號遂初幼聰穎同兄健舉天啓辛酉鄉試中崇禎辛未進士授行人司行人壬午召對策一擢吏科侃侃言天下事不避權貴甲申

本朝簡用舊臣擢吏科都給事中乙酉請告壬辰以摠督馬公國柱薦起田間鋒車召入甲午三月復除吏垣諸如甄別督撫糾劾官邪抨擊倖陞駁正品級三叅政地詰責回話宵小斂跡乙未分校文武兩闈會試所拔皆一時雋彥丙申大計掌祭門如寒冰賢

否無狗掌銓秉憲大臣皆取平焉轉陝西固原兵備道副使丁酉告致生平雖履管要津而清風兩袖附郭一椽不能旋馬與李太虛熊雪堂李梅公黎博菴聯爲五老會唱和酬答彷彿耆英洛社晚年猶手不釋卷作詩文高古博麗所刻有測蠡草及耕道集數卷其未刻待刪詩文數十卷藏于家

朱紱號白谷順治己丑進士授內翰林庶吉士浙江道御史巡視七省漕務漕艘例有餽遺紱泣任卽曰此民力也毅然除之衆咸感勸舳艦相望風檣如駛

進賢縣志

卷之十五

良臣

三十一

運無愆期又視河東鹽課一如視漕之潔而指無所染歷太僕寺少卿協理兵部督捕通政使司右通政循分稱職如執玉捧盈陞都察院左僉都御史力蘇民瘼奏劾風生而必適機宜時江右漕艘逾期司農議改折紱曰古籌國者動稱粟支十年倘一旦不給誰職其咎且江右粟賤難于金民力幾何又益之以折也議遂寢紱以從容指畫定軍國六計而又惠出于人之不知弗以已爲名也諸凡行事立心多類是致政歸里清風兩袖不改其素知者無不多其廉慎

服其智勇焉

補

涂杰字汝高九都人由府學隆慶庚午辛未連第授  
龍游知縣治績甚著祀名宦行取廣西道御史巡按  
湖廣平反全活多人著有按楚祥刑紀畧陞光祿少  
卿值神宗東宮未立以國本建言歸熙廟登極贈大  
理寺正卿

涂紹燧字伯聚理卿杰子由新建籍中萬曆乙卯鄉  
試第二名己未成進士授南京工部主政陞四川提  
進賢縣志

卷之十五

良臣

三十三

學歷廣西左布政使燧深于理學著有四書兒訓易  
經訓行世末年講學澹臺祠一時名俊俱宗之